

COMUNICADO DI PRENSA

Sesion futuro cooperacion periodistico den Reino, subsidio pa binti periodista traha hunto: prome resultadonan di e Programa Caribense di Fondo BJP.

Amsterdam, 26 di augustus – Un seis luna despues cu Wensly Francisco y Joëlle Terburg a realisa nan biahe di trabou na e Islanan Caribense den Reino, patrocina pa Fondo BJP (Fonds Bijzondere Journalistieke Projecten), e prome resultadonan di nan biahe ta birando visibel. Durante e biahe nan a bishita cinco isla: Aruba, Corsou, Sint Maarten, Boneiro y Saba. Cada un di e encuentronan na e diferente islanan a atrae hopi publico y a conduci na combersacionnan valioso riba e reto- y oportunidadnan den periodismo.

Binti publicacion cu contenido extenso y independiente

For di augustus, alrededor di binti periodista ta trahando cu sosten financiero di Fondo BJP riba diferente investigacion y publicacion. Durante e biahe di trabou ya menciona, tabatin un ronda di presentacion tocante e posibilidadnan di subsidio especificamente destina pa periodista Caribense, cu tabata hopi bon bishita. Ademas a asigna partinan di e fondo na diferente proyecto.

E subsidio ricibi ta permiti e periodistanan concerni pa investiga y profundisa independientemente riba temanan importante, manera por ehempel clima relata na maneho di gobierno y turismo, loke normalmente no ta haya masha espacio den e periodismo local di e islanan. Esnan responsabel pa cada un di e proyectonan aki ta conecta cu otro como ‘sparring partner’ – sea un colega procedente di Hulanda of un colega procedente di un isla Caribense – cu hunto ta pensa y colabora pa ehecuta un plan periodistico.

“Pa un bon funcionamiento di democracia, un periodismo fuerte y independiente ta esencial. Cu e contribucionnan financiero aki, nos di Fondo BJP por contribui pa asina periodistanan na e islanan por desempeña e papel esencial aki. Creando posibilidad pa periodistanan traha hunto como sparring partner, nos kier aporta na mas intercambio y cooperacion; algo importante pa cualkier periodista, pero di sumo importancia pa esnan cu ta traha den comunidad chikito”, segun e iniciadonan di e proyecto Wensly Francisco y Joëlle Terburg.

Primicia dia 12 di september

Ademas, dia 12 di september, Fondo BJP ta organisa un primicia excepcional: periodista y creado di noticia di Hulanda y di e Islanan Caribense den Reino lo topa otro den un programa conhunto. E sesion lo tuma luga na Deventer durante e Festival di Periodismo den Reino Hulandes, y e lo brinda tambe un ocasion pa periodista di e

islanan Caribense y di Hulanda topa otro pa comparti conocimiento y intercambia nan experiencia y historia, loke lo establece – nos ta spera – un base pa mas colaboracion den futuro. Pasobra, aunke ta asina cu nos tur den Reino Hulandes ta practica periodismo na nos manera, nos por coopera cu otro pa asina comparti nos conocimiento y reforsa otro.

Importancia pa periodismo den Reino

E sosten financiero pa proyecto y e encuentro menciona ta forma parti di un maneho mas extenso di Fonds Bijzondere Journalistieke Projecten (Fondo BJP). E fondo a compromete su mes pa fortalece sector di periodismo, desaroya conocimiento profesional y otorga subsidio na proyectonan cu ta bini na remarke. Fondo BJP ta considera e prome resultadonan di e esfuerso haci como un paso importante pa yega na un sector periodistico mas solido, resiliente y conecta den henter Reino Hulandes. Compartiendo conocimiento, construyendo lasonan di union y apoyando creadonan di contenido noticiero activamente, e fondo aki no solamente ta fortalece e calidad di periodismo, sino tambe yuda amplia diversidad di e storianan cu ta keda conta.

“E prome resultadonan ta demostra cu ta existi un gran necesidad pa periodismo independiente y di contenido extenso na e islanan, y cu tanto na e Islanan Caribense como na Hulanda tin bastante interes pa intercambio, encuentro cu otro y colaboracion. A traves di e proyectonan cu ta den tapara y e sesion na Deventer, nos kier sigui contribui pa extende talentonan den periodismo y construi asina lasonan di colaboracion duradero den henter reino,” asina Wensly Francisco y Joëlle Terburg a trece dilanti. “Nos compromiso ta pa sigui desaroya calidad di periodismo ainda mas den reino henter.”

Bo ke mas información?

Esun cu kier keda na haltura di futuro actividad- y desaroyonan riba e tereno aki, por inscribi pa ricibi e boletin di Fondo BJP of sigui nos ariba Instagram of LinkedIn.

— FIN DI COMUNICADO —

Nota pa redaccion:

Pa pregunta, entrevista of material visual por tuma contacto cu: Joëlle Terburg, director-administrado di Fondo BJP, tel: 06-15302992, j.terburg@fondsbjp.nl of

Wensly Francisco, experto afilia na e programa Caribense di Fondo BJP, tel: 06-42421887, w.francisco@fondsbjp.nl.